

BESTELAKO XEDAPENAK

HEZKUNTZA SAILA

157

AGINDUA, 2022ko abenduaren 27koa, Hezkuntzako sailburuarena, dirulaguntzen deialdia egitekoa Lanbide Heziketako Euskal Kontseiluan ordezkariak duten gizarte-eragileek 2023ko ekitaldian konpetentzia profesionalak ebaluatu eta egiaztatzeko prozedurak sustatu eta bultzatzeko jarduerak gara ditzaten beren jarduera-eremuan.

Bizialdi osoko ikaskuntzari buruzko urriaren 10eko 1/2013 Legeak dio Eusko Jaurlaritzak hartu beharreko neurriak hartuko dituela lan-esperientziaren eta bide ez-formal zein informalen bitartez ikasitakoa aitortzea sustatzeko.

1/2013 Lege horretan bertan aurreikusten da Lanbide Heziketako Euskal Kontseiluak eta Lanbide-Euskal Enplegu Zerbitzuko Administrazio Kontseiluak gizarte-eragileen parte-hartzea bideratuko dutela ohiko prestakuntza-sistemetatik kanpo lortutako konpetentzia profesionalak ebaluatzeko eta egiaztatzeko sistemak behar bezala funtzionatzeko.

Bestalde, Euskal Autonomia Erkidegoko Lanbide Heziketari buruzko ekainaren 28ko 4/2018 Legearen 20 artikulua dio Lanbide Heziketako Euskal Kontseilua dela administrazio publikoek, ordezkariarik handieneko antolakunde enpresarial eta sindikalek eta lanbide-heziketako eredu konbinatuan espezializatutako ikastetxeek parte hartzeko organoa, zeinean eztabaidatu, adostu eta bilatuko baita lanbide-heziketako politika guztien gaineko akordioa, orokorrean.

Era berean, azaroaren 10eko 211/2015 Dekretuak (lan-esperientziaren bidez edo prestakuntzarako bide ez-formalen bidez eskuratutako lanbide-konpetentziak ebaluatzeko eta egiaztatzeko prozedura eta antolamendua ezartzen duena Euskal Autonomia Erkidegoan) Lanbide Heziketako Euskal Kontseilua konfiguratzeko du eta dio aholku-organoa izango dela egin beharreko deialdien plangintzan, eta ebaluatu beharreko pertsona-kopurua, egiaztatu daitezkeen konpetentzia-unitateak eta deialdi bakoitzeko aholkulari eta ebaluatzaileak izendatzeko irizpideak kontsultatuko zaizkiola. Deialdien garapenari buruzko azken txostena jaso behar du eta Lanbide Heziketako Sailburuordetzak kalitatea kudeatzeko sistemari buruzko txostena igorri behar dio, prozedura osoaren xede, helburu eta printzipioak betetzen direla ziurtatuz, eta lortutako emaitzen helburuen arabera ebaluatuta prozedura.

Ikaskuntza ez-formalak aitortzeko prozedura arautzen duen oinarriko esparruak funtsezko aldaketak izan ditu duela gutxi. Uztailaren 17ko 1224/2009 Errege Dekretuak (lan-esperientziaren bidez eskuratutako lanbide-konpetentziak ezagutzeari buruzkoak) hasierako bertsioan deialdi puntualen sistema bat aurreikusten zuen, eta ebaluatu eta egiaztatu beharreko konpetentzia-unitateak eta partaide-kopurua mugatzen zituen. Martxoaren 9ko 143/2021 Errege Dekretuak (1224/2009 Errege Dekretua aldatzen duena) arau horretan sartutako aldaketen ondorioz, prozedurak malgutasun handia du eta lanbide heziketako eskaintzako konpetentzia-unitate guztiak iraunkorrak eta irekiak dira orain. Urrats garrantzitsua da, hautagaiak aukera baitu, bideratu eta aholkatu ondoren, bere profilerako konpetentzia-unitate egokienak zein diren erabakitzeko, eta, ondorioz, horien ebaluaziora bideratu daiteke.

Gure inguruan prozeduraren egokitzapena 2021eko azaroaren 23ko Ebazpenaren bidez egin da, Lanbide Heziketako sailburuordeak eta Lanbide-Euskal Enplegu Zerbitzuaren zuzendariak batera emana, zeinaren bidez lan-esperientziaren bitartez edo prestakuntzako bide ez-formalen

bitartez eskuratutako konpetentzia profesionalak ebaluatzeko eta egiaztatzeko prozedura ireki eta iraunkorra ezartzen baita Euskal Autonomia Erkidegoan.

Prozeduran sartutako funtsezko aldaketez gain, konpetentziak ebaluatu eta egiaztatzeko sistemen erabilera sustatzeko erabateko borondatea dago, erabiltzaile kopurua nabarmen hazi dadin berehala. Horrek guztiak esan nahi du prozedurarekin zerikusia duten administrazio-organoei nahiz lanbide-heziketako eredu konbinatuko ikastetxe espezializatuek parte-hartze aktiboa izan behar dutela prozedurako zereginetan.

Era berean, Lanbide Heziketako Euskal Kontseiluan ordezkariak duten gizarte-eragileek ahal legin gehigarri handia egin behar dute beren jarduera-eremuan, lanbide-heziketan zerikusia duen gizarte-sareko kide diren heinean; ahalegin horrek prozedurako zereginen garapen eraginkorrari lagundu behar dio eta horrek ondorioak izango ditu gizarte osoan, pertsonen enplegarritasunean eta euskal enpresen lehiakortasunean aurrera egin ahal izango baita.

Agindu honen bidez ahalegin gehigarri hori babestu nahi da laguntzen bidez, Lanbide Heziketako Euskal Kontseiluan ordezkariak duten gizarte-eragileek bitarteko pertsonalak areagotu ditzaten berariaz kontratatuz edo eskusibotasunez esleituz teknikari espezializatuak, beren jarduera-eremuan, gaitasunak ebaluatu eta egiaztatzeko sistema sustatu eta bultzatzeko lanak egin ditzaten.

Deialdi hau Hezkuntza Sailaren 2022. urterako Dirulaguntzen Plan Estrategikoan aurreikusita dago, zeina Hezkuntzako sailburuaren agindu bidez onartu baitzen.

Hezkuntza Sailaren egitura organikoa eta funtzionala ezartzen duen otsailaren 23ko 71/2021 Dekretuak Lanbide Heziketako Sailburuordetzako Plangintza eta Antolaketa Zuzendaritzari egiteko hauek egozten dizkio, besteak beste: hezkuntza- eta ekoizpen-sektoreek Lanbide Heziketako ikastetxeetako bizitzan parte har dezaten bultzatzea eta lan-esperientziaren bidez eskuratutako lanbide-konpetentziak aitortzeko ekintzak planifikatzea, Lan eta Enplegu Sailarekin koordinatuta.

Hori dela eta, honako hau

EBAZTEN DUT:

1. artikulua.– Deialdiaren xedea.

Deialdi honen xedea da Lanbide Heziketako Euskal Kontseiluan ordezkariak duten enpresa-erakundeak eta sindikatuak dirulaguntzak emateko deialdia egitea, beren jarduera-eremuan konpetentzia profesionalak ebaluatzeko eta egiaztatzeko prozedurekin zerikusia duten jarduera sustatzaileak eta eragileak garatzeko, baita horiek behar bezala gauzatzeko behar diren koordinazio- eta kudeaketa-lanak egiteko ere.

2. artikulua.– Erakunde onuradunak.

Agindu honetako dirulaguntzen erakunde onuradunak izan daitezke:

a) Lanbide Heziketako Euskal Kontseiluan ordezkariak duten enpresa-erakundeak eta sindikatuak.

b) Aurreko paragrafoan definitutako erakundeetako antolakuntza federatuak edo konfederatuak.

3. artikulua.– Diruz lagun daitezkeen jarduera eta gastuak.

1.– Deialdi honen ondoretarako, diruz lagun daitezkeen jarduerak dira:

a) Dibulgazio-jarduerak aditzera ematen dutenak lan-esperientziaren bitartez edo prestakuntzako bide ez-formalen bitartez eskuratutako konpetentzia profesionalak ebaluatzeko eta egiaztatzekeo prozedura modu iraunkorrean irekita dagoela, Euskal Autonomia Erkidegoko Lanbide Heziketako eskaintzan jasota dauden konpetentzia-unitatea guztietarako.

b) Konpetentziak ebaluatu eta egiaztatzekeo sistemaren erabilera sustatu eta piztekeo jarduerak, erabiltzaile kopuruan jauzi kuantitatiboa egiten laguntzeko.

c) Apartatu honetako aurreko paragrafoetan definitutako jarduerak behar bezala gauzatzeko erakunde onuradunek egin beharrekeo zereginak koordinatzea eta kudeatzea.

2.– Diruz lagundu daitezkeen gastuak dira aurreko paragrafoan definitutako jarduerak garatzeko berariaz kontratatutako edo eskusibotasunez esleitutako langileen gastuak Ondorio horietarako, honako hauek izango dira egotz daitezkeen gastuak:

a) Erakunde onuradunaren konturako ordainsariak eta gizarte-kargak.

b) Artikulu honetako 1. apartatuan definitutako jardueren ondorioz berariaz kontratatutakoak edo eskusibotasunez esleitutakoak ohiko lantokitik kanpo joan behar badira, joan-etorri horretako jatordu- eta bidaia-gastuak egotzi ahal izango dira.

Ondorio horietarako, jatordu-gastuak izango dira, banaka hartuta, bazkariak eta afariak.

Bidaia-gastuetan sartuko dira txartelaren gastuak edo, norbere garraibidea erabiltzearen ondoriozkoak, egindako ibilbidearen kilometroei dagozkienak, baita ibilgailua aparkatzeko egindakoak eta autobidekeo ordainsariak ere.

3.– BEZaren zenbatekoa ez da diruz lagundu daitezkeen gastua izango, pertsona edo erakunde onuraduna aipatutako zerga horren aitortpena egitera behartuta badago. Horrelakoetan, gastuari egotz dakioken kopurua izango da egiaztagirien oinarri zergadunari dagokiona.

Onuradunak aipatutako zergaren aitortpenik egitekeo beharrik ez badu, eta zerga hori diruz lagundutako jardueraren gastu bat gehiago bada, diruz lagundu daitezkeen gastua dela esango da, baldin eta eskudun zerga-administrazioak egindako ziurtagiri bidez egiaztatzen bada BEZa ezin dela berreskuratu.

4.– Diruz lagundu daitezkeen jarduerak 2023ko urtarrilaren 1etik 2023ko abenduaren 31ra bitartean gauzatu beharkeo dira. Alde horretatik, egindako gastutzat joko dira justifikazio-agiria aurkeztekeo epea amaitu aurretik egiazki ordaindu direnak.

5.– Diruz lagundu daitezkeen gastuei dagokienez, Dirulaguntzei buruzkeo azaroaren 17ko 38/2003 Lege Orokorraren 31. artikuluan xedatua aplikatuko da.

4. artikulua.– Aurrekontu-zuzkidura.

Agindu honen xede diren jarduerak diruz laguntzeko zenbatekoa, guztira, laurehun eta hirurogeita zortzi mila (468.000,00) eurokoa izango da.

Agindu honetako dirulaguntzei buruzkeo ebazpena ematekeo, ezinbestekoa izango da kreditu egokia eta nahikoa izatea Euskal Autonomia Erkidegoko 2023. urteke Aurrekontu Orokorretan,

hala ezarrita baitago Euskal Autonomia Erkidegoko Aurrekontu Orokorren kontura egindako gastu-espeditenteen aurreratutako izapidetzea arautzen duen Ogasun eta Herri Administrazioaren 2007ko apirilaren 26ko Aginduaren 5.3 artikuluan.

5. artikulua.– Parte hartzeko betekizunak.

Edonola ere, agindu honen deialdiko dirulaguntzak eskuratu ahal izateko, interesdunek honako hauek bete behar dituzte:

a) Zergen arloko betekizunak eta Gizarte Segurantzarekikoak egunean izatea, eta dirulaguntzak itzultzeko betekizunen betebeharrak ordainduta izatea. Betekizun horiek iraun behar dute dirulaguntza likidatu arte; beraz, egiaztatu egingo da bete egiten direla bai emateko orduan bai ordaintzeko orduan.

b) Laguntza edo dirulaguntza publikoak jaso ahal izateko aukera galtzea dakarren zigor penal edo administratiborik ez izatea, edo horretarako ezgaitzen duen lege-debekurik ez izatea, sexuagatiko diskriminazioagatik gertatutakoak barnean direla, martxoaren 3ko 1/2022 Legearen (Emakumeen eta Gizonen Berdintasunerako Legearen bigarren aldaketa egitekoa) arabera.

c) Dirulaguntzei buruzko azaroaren 17ko 38/2003 Lege Orokorren 13. artikuluan ezarritako egoera batean ere ez egotea.

6. artikulua.– Izapidetze elektronikoa.

1.– Interesdunek prozedura honetako izapide guztiak Euskal Autonomia Erkidegoko Administrazio Publikoaren egoitza elektronikoko baliabide elektronikoa erabiliz eskatu, kontsultatu eta egingo dituzte.

2.– Izapidetze elektronikoa arautzen dute Administrazio Elektronikoari buruzko otsailaren 21eko 21/2012 Dekretuak –Administrazio Elektronikoari buruzko Dekretua bigarren aldiz aldatzen duen apirilaren 21eko 55/2020 Dekretuaren bidez aldatua– eta Informatika eta Telekomunikazioetako zuzendariaren 2006ko otsailaren 9ko Ebazpenak, zeinaren bidez onartu baitzen Platea E-Administrazioako Plataforma Teknologikoa.

3.– Honako helbide elektronikoa honetan daude eskuragarri eskabideak bide elektronikoz izapidetzeko xehetasunak, erantsi beharreko dokumentazio-ereduak eta deialdi honekin lotutako gainerako izapideak:

<https://www.euskadi.eus/servicios/1217201>

4.– Eskabidea egin ondorengo izapideak, baita jakinarazpen eta justifikazioak ere, Euskal Autonomia Erkidegoko Administrazio Publikoaren egoitza elektronikoko «nire karpeta» gunearen bitartez egingo dira: <https://www.euskadi.eus/nire-karpeta/web01-sede/eu/>

5.– Euskal Autonomia Erkidegoko Administrazio Publikoaren egoitza elektronikoa onartuta dauden identifikazio eta sinadura elektronikorako bitartekoak helbide elektronikoa honetan daude eskuragarri: <https://www.euskadi.eus/identifikazio-elektronikorako-onartutako-bitartekoak/web01-sede/eu/>

6.– Izapidetze elektronikoa ordezkari baten bidez ere egin ahal izango dira, eta, horretarako, ordezkaria Euskal Autonomia Erkidegoko Administrazio Publikoaren Ahalordeen Erregistro Elektronikoan inskribatu beharko da, helbide honetan: <https://www.euskadi.eus/ahalordeen-erregistro-elektronikoa/web01-sede/eu/>

7. artikulua.– Eskabideak aurkezteko modua, tokia eta epea.

1.– Eskabideak (I. eranskina), baldintza guztiak behar bezala beteta, modu elektronikoan aurkeztu behar dituzte, agindu honen 6. artikuluan xedatutakoaren arabera, eta hilabeteko epearen barruan, Euskal Herriko Agintaritzaren Aldizkarian argitaratu eta hurrengo egunetik aurrera.

2.– Erakunde eskatzaile bakoitzak gehienez ere hiru pertsonentzako laguntza eskatu ahal izango du. Pertsona bat baino gehiagorentzako laguntza eskatuz gero, bakoitzak Lurralde Historiko desberdinean garatu beharko du bere jarduera.

3.– Eskabidea aurkezteak esan nahi du berariaz eta formalki onartu direla deialdi honen oinarrietan zehaztutako baldintzak.

4.– Euskadiko Ogasun Nagusiaren Antolarauei buruzko Legearen testu bategina onartzen duen Legegintzako Dekretuaren (azaroaren 11ko 1/1997) 50.6 artikulua betez, erantzukizunpeko adierazpen bat sartu beharko da eskabidean, honako inguruabar hauek egiaztatzeko:

a) Ez eskatu eta jaso izana xede eta helburu bererako laguntza edo dirulaguntzarik administrazio publiko eta erakunde pribatuetatik.

b) Erakunde eskatzaileak egiaztatu behar du ez duela administrazio- edo zigor-arloko zehapenik, laguntza edo laguntza publikoak jasotzea eragozten dionik, ez eta horretarako gaitasuna kentzen dion legezko debekurik ere.

c) Emakumeen eta Gizonen Berdintasunerako martxoaren 3ko 1/2002 Legeko laugarren azken xedapenean ezarritako inguruabarretan sartuta ez egotea.

d) Dirulaguntzak itzultzeko betebeharrak ordainduta izatea.

e) Dirulaguntzei buruzko azaroaren 17ko 38/2003 Lege Orokorraren 13. artikuluko 2. eta 3. apartatuetan zehaztutako egoeretako batean ez egotea.

f) Egiazkoak izatea eskabideko datuak eta emandako dokumentazioa, eta betetzea indarrean dagoen araudian dirulaguntzen onuradun izateko ezarritako baldintzak.

5.– Dirulaguntzaren eskabidea aurkezteak baimena emango du Lanbide Heziketako Sailburuordetzak zuzenean egiazta dezan dirulaguntzen eskatzaileek zerga-betebeharrak eta Gizarte Segurantzarekikoak betetzen dituztela. Hala ere, eskatzaileak berariaz uka dezake baimen hori, eta, halakorik egiten baldin badu, betebeharrak horiek betetzen dituela egiaztatzen duten administrazio-agiriak aurkeztu beharko ditu.

8. artikulua.– Eskabidearekin batera aurkeztu beharreko agiriak.

Eskabidearekin batera (I. eranskina), honako agiri hauek aurkeztu beharko dira:

a) Konpetentziak ebaluatzeko eta egiaztatzeko prozedurarako jarduera sustatzaile eta eragileen plana, eta horiek behar bezala betetzeko beharrezko koordinazio- eta kudeaketa-zereginak, honako elementu hauekin:

– Lortu beharreko helburuen eta jarduera sustatzaile eta eragileak garatzeko egin beharreko ekintzen zehaztapena, eta horiek behar bezala garatzeko beharrezko koordinazio- eta kudeaketa-lanen zehaztapena.

– Jarduera-planaren hedapena egituratzea eta definitzea, eta kontratatu edo eskusibotasunez esleitu beharreko pertsonen eginkizunak eta zereginak zehaztea.

– Esperotako emaitzak eta jarduera-planaren jarraipen eta ebaluazioaren adierazleak.

b) Eskatutako zenbatekoaren zehaztasuna (II. eranskina).

c) Agindu honetako 2. artikuluko a) apartatuan definitutako erakunde federatuek edo konfederatuek aurkezten badute eskabidea, izaera horren egiaztagiria ere aurkeztu beharko da.

9. artikulua.– Aurkeztutako eskabideetako akatsak zuzentzea.

Eskabideak eskatutako baldintzak betetzen ez baditu, erakunde interesdunari eskatuko zaio hamar eguneko epean akatsa zuzen dezala edo beharrezko agiriak aurkez ditzala. Hala egingo ez balu, eskaerari uko diola ulertuko da, ebazpena eman ondoren. Hori guztia Administrazio Publikoaren Administrazio Prozedura Erkidearen urriaren 1eko 39/2015 Legean xedatuaren arabera.

10. artikulua.– Dirulaguntzak kudeatzen dituen organoa.

Hezkuntza Saileko Lanbide Heziketako Sailburuordetzako Plangintza eta Antolaketa Zuzendaritza izango da agindu honetan deitutako laguntzen organo kudeatzailea.

11. artikulua.– Balorazio-batzordea.

1.– Eskabideen balorazioa, Agindu honetako 13. artikuluan xedatutako irizpideen arabera, honako hauek kide izango dituen balorazio-batzorde batek egingo du:

Presidentea: Nicolás Sagarzazu Alzua jauna, Plangintza eta Antolaketako zuzendaria, edo haren ordezkoa.

Bokalak:

Aitor Lopez de Aberasturi Ortiz de Pinedo jauna, Plangintza eta Antolaketa Zuzendaritzako Lanbide Heziketako Zerbitzuaren arduraduna, edo haren ordezkoa.

Beatriz Aranaga Elorriaga andrea, Bizkaiko Lurralde Ordezkaritzako Plangintza eta Antolaketa Zuzendaritzako teknikaria, edo haren ordezkoa.

Maite Lizartza Urrestarazu andrea, Gipuzkoako Lurralde Ordezkaritzako Plangintza eta Antolaketa Zuzendaritzako teknikaria, edo haren ordezkoa.

Mikel Imaz Gorrotxategi jauna, Arabako Lurralde Ordezkaritzako Plangintza eta Antolaketa Zuzendaritzako teknikaria, edo haren ordezkoa.

Pablo Gaztelumendi Martínez jauna, Plangintza eta Antolaketa Zuzendaritzako teknikaria, edo haren ordezkoa; idazkari-lanetan arituko da, hitzarekin baina botorik gabe.

2.– Balorazio-batzordeak, aurkeztutako eskabideak ebaluatutakoan, behin-behineko ebazpenaren proposamena egingo du, behar bezala arrazoituta. Proposamen hori agindu honen 6. artikuluan ezarritako baliabide elektronikoz jakinaraziko zaie onuradunei, eta 10 egun naturaleko epea emango zaie, halaber, jakinarazi eta hurrengo egunetik aurrera, egoki irizitako alegazioak aurkez ditzaten. 10 egun naturaleko epea igarotzen bada jakinarazpenaren edukira sartu gabe, jakinarazpena baztertutzat joko da, eta, prozedurari jarraikiz, izapidea gauzatutzat joko da, salbu eta, ofizios edo hartzaileak eskatuta, horra sartzea teknikoki edo materialki ezinezkoa dela egiaztatzen bada.

3.– Aurkeztutako alegazioak aztertuta, balorazio-batzordeak prozeduraren ebazpen-proposamena egingo du, dirulaguntza ematea proposatutako eskatzaileen zerrenda adierazita, baita zenbatekoa ere, eta horretarako jarraitutako ebaluazioa eta balorazio-irizpideak zehaztuko ditu

proposamen horrek. Plangintza eta Antolaketako zuzendariak, organo instrukzio-egile gisa, Lanbide Heziketako sailburuordeari bidaliko dio proposamen hori, ondoren ebazpena eman dezan.

4.– Ebazpenerako behin-behineko eta behin betiko proposamenek ez dute eskubiderik sortzen onuradun gisa proposatutako pertsonen alde, harik eta emateko ebazpena jakinarazten zaien arte.

12. artikulua.– Zenbatekoa eta emateko prozedura.

1.– Agindu honetan aurreikusitako dirulaguntzak emateko, lehia bidezko konkurrentzia-prozedura erabiliko da. Horretarako, aurkeztutako eskabideak erkatuz emango dira, eta, 13. artikuluan ezarritako balorazio-irizpideak kontuan hartuta, lehentasunen arabera ordenatuko dira, puntu 1 eta 10 puntu arteko puntuazioarekin.

Artikulu honetako 2 eta 3 apartatuetan ezarritako mugekin esleituko dira laguntzak, eskura dagoen kreditua agortu arte; eta gutxienez 5 puntu lortu eta aipatutako irizpideak ezarrita baloraziorik hoberena lortu duten eskabideei emango zaie. Dena dela, behar adina kreditu badago, 5 puntu edo gehiago lortzen dituzten eskabideek pertsona bati lotutako gastuei aurre egiteko laguntza lortuko dute, eta dirulaguntzarako lehiaketako arauak ezarriko dira bigarren eta hirugarren pertsona kontratatze/eseleitzeko.

2.– Diruz lagundu daitezkeen jarduerak garatzeko berariaz kontratatu edo eskusibotasunez esleitutako pertsona bakoitzaren gastuak finantzatzeko gehienezko dirulaguntza kontrataziorako/eseleipenerako aurreikusitako dataren eta eskabidean adierazitako jarduerak amaitzeko aurreikusitako dataren arabera finkatuko dira (II. eranskina).

Erakunde onuradun bakoitzak diruz lagundu daitezkeen hiru pertsonen gastuen zenbatekoa jaso ahal izango du eta kontratatutako/esklusibotasunez esleitutako pertsona bakoitzeko dirulaguntza ezingo da izan urteko 52.000 euroren zenbateko proportzionala baino handiagoa.

3.– Agindu honetako 3. artikuluko 1. apartatuan definitutako jarduerak behar bezala garatzeko berariaz kontratatutako edo eskusibotasunez esleitutako pertsona bakoitzaren joan-etorrietako jatordu eta bidaietako gastuak finantzatzeko diruz lagundu daitezkeen zenbatekoa honela kalkulatu da:

a) Bidaia-gastuak diruz laguntzeko, erabilitako garraiobidearen txartelaren zenbatekoa emango da. Joan-etorria norbere garraiobidearekin eginez gero, erakunde eskatzaile bakoitzak xede horretarako ezarritako akordioetan finkatutakoa ordainduko da kilometroko. Horrelakorik ezean, egindako kilometro bakoitzeko zero euro eta hogeita bederatzi zentimo (0,29) ordainduko dira. Kilometroak kalkulatzeko, onuradunaren egoitza soziala izango da abiapuntua. Bizilekutik lantokirako joan-etorrien eta alderantzizkoen gastuak ez dira diruz lagunduko inolaz ere.

Era berean, aparkatzeko eta autobideko gastuak egiaz gastatu eta justifikatutako zenbatekoaren arabera ordainduko dira.

b) Jatorduetarako gastuetan diruz lagundu daitezkeen zenbatekoa egiaz gastatu eta justifikatutakoa izango da, eta erakunde eskatzaile bakoitzak xede honetarako akordioetan finkatutako zenbatekoa ezingo du gainditu inolaz ere. Horrelakorik ezean, gehienez ere 21 euro emango dira jatorduko/bazkariko.

13. artikulua.– Balorazio-irizpideak.

Jardueren balorazio-plana irizpide hauei jarraikiz egingo da, dagozkien haztapenak eginda:

a) Helburuen garrantzia eta jarduera-planean zehaztutako ekintzen egokitzapena. Helburuen garrantzia kontuan izango da, deialdiko xedeekin duten loturaren arabera, eta sustatzeko eta era-

giteko jarduerak garatzeko egin beharreko ekintza zehatzen egokitasuna baloratuko da (gehienez 4 puntu).

b) Jarduera-plana hedatu eta egiteko egitura eta metodologia egokitzea (gehienez 3,5 puntu).

c) Jarraipen-adierazleen egokitasuna eta jarduera-planaren ebaluazioa (gehienez 2,5 puntu).

14. artikulua.– Dirulaguntza emateko prozedura amaitzea, jakinaraztea eta publikotasun-prozedurak.

1.– Balorazio-batzordearen proposamenaren arabera, Lanbide Heziketako sailburuordeak prozedura ebatziko du, eta dirulaguntza ematea edo, dagokionean ukatzea edo ez onartzea, adostuko du; dagokion ebazpenean zehaztuko dira arazoak.

2.– Ebazpen horren berri banaka emango zaie interesdunei gehienez ere sei hilabeteko epean, Agindu honek eragina duen datatik hasita. Jakinarazpen honez gain, Euskal Herriko Agintaritzaren Aldizkarian argitaratuko da ebazpena.

3.– Zehaztutako epean berriazko ebazpenik ematen ez bada, interesatuek ezetsizat joko dituzte eskaerak, Herri Administrazioen Administrazio Prozedura Erkideari buruzko urriaren 1eko 39/2015 Legean xedatuaren arabera; hori horrela izanik ere, Administrazioak berriazko ebazpena egin beharko du.

4.– Prozeduraren ebazpenak ez du amaitzen administrazio-bidea, eta gora jotzeko errekurtsioa aurkeztu ahal izango da Hezkuntza sailburuaren aurrean, hilabeteko epean, jakinarazpena egin eta hurrengo egunetik aurrera, Administrazio Publikoen Administrazio Prozedura Erkidearen urriaren 1eko 39/2015 Legearen 121. eta 122. artikuluei jarraikiz.

15. artikulua.– Dirulaguntzaren justifikazioa.

1.– Agindu honen xede diren dirulaguntzen onuradunek, 2024ko urtarrilaren 10a baino lehen, honako agiri hauek aurkeztu beharko dituzte:

a) Jardueraren memoria: Agiri honetan zehatz azalduko dira dirulaguntzaren babesean kontratatutako/esklusibotasunez esleitutako pertsona bakoitzak egindako jarduerak, eskabidearekin batera aurkeztutako jardueren planeko ekintzen banakapenaren arabera. Era berean, lortutako emaitzak zehaztuko dira, jarduera-planean ezarritako adierazleen arabera. Dena dela, egindako ekintza-kopurua adierazi beharko da. Eranskin honekin batera kontratatutako/esklusibotasunez esleitutako pertsonen curriculuma aurkeztuko da.

b) Memoria ekonomiko justifikatzailea (III. eranskina). Agiri honek dirulaguntzaren babesean kontratatutako/esklusibotasunez esleitutako langileen inguruko gastuen zerrenda izango du. Eranskinarekin batera justifikazio-agiri hauek aurkeztu behar dira:

– Dirulaguntzaren xede diren jarduerak garatzeko lan-kontratuaren benetako kopia edo, hala badagokio, esleitutako pertsonaren dedikazio eskusiboaren egiaztagiria.

– Dirulaguntzaren aldiari dagozkion nominen benetako kopia, eta horiek ordaindu direla egiaztatzen duten agiriak.

– Dirulaguntzaren aldiaren erakunde onuradunaren edo haren antolakunde federatu edo konfederatuen kargura gizarte segurantzaren egindako gastuak egiaztatzeko kotizazio-agiriak.

– Fakturak, dagozkien ordainagiriekin, eta gastuen beste edozein ziurtagiri, lege onartuak, egindako gastuak ziurtatzen dituztenak eta emandako dirulaguntzari egotz dakizkiokeenak.

– Dagokionean, erakunde eskatzaileak jatorduak eta bidaiak konpentsatzeko ezarritako akordioen kopia.

– Onuraduna Agindu honetan 2.b) artikuluko hirugarren paragrafoan adierazitako egoeran badago balio erantsiaren zerga (BEZa) ez berreskuratzeari dagokionez, jasandako BEZa diruz lagundu ahal izateko egoera hori ziurtatu egin beharko da zerga-administrazio eskudunaren ziurtagiri bidez.

2.– Justifikazio-agiriak aurkezteko, Eusko Jaurlaritzaren egoitza elektronikoaren bitarteko elektronikoak erabili beharko dira, honako helbide honetako Nire karpeta atalaren bitartez: <https://www.euskadi.eus/nirekarpeta>

3.– Onuradunek jatorrizko justifikazio-agiri guztiak izan behar dituzte zaintzapean eta Plangintza eta Antolaketa Zuzendaritzaren eskura, hark eskatzen baditu ere.

16. artikulua.– Dirulaguntzak ordaintzea.

1.– Dirulaguntza bi epetan ordainduko da.

a) Lehena, emandako laguntza osoaren % 40, laguntza onartu ondoren ordainduko da, 20.2 artikuluan xedatutakoaren arabera.

b) Gainerakoa (% 60), berriz, justifikazioa 15. artikuluan adierazitako epean eta baldintzetan aurkeztu ondoren.

2.– Ordainketa horiek egin ahal izateko, organo kudeatzaileak egiaztatu beharko du onuradunak azaroaren 17ko 38/2003 Legearen 34.5 artikuluan adierazitako betekizun guztiak betetzen dituela. Era berean, ordainketak egiteko baldintza izan daiteke deialdian edo laguntza emateko ebazpenean eskatzen den dokumentazioa aurkeztea.

3.– Administrazioak dirulaguntzak ordaindu ahal izateko, erakunde onuradunak Eusko Jaurlaritzaren dagokion datu-basean agertu beharko du. Alta emateko edo hirugarren interesdunaren datuak aldatzeko, hirugarrenen erregistro telematikora jo beharko da elektronikoki: <https://www.euskadi.eus/eusko-jaurlaritza/-/hirugarrenaren-datu-aldaketa/>

17 artikulua.– Ez-betetzeak eta itzulketa-prozedura.

Erakunde onuraduna Euskadiko Ogasun Nagusiaren Antolarauei buruzko Legearen testu bategineko 53. artikuluan eta Dirulaguntzei buruzko azaroaren 17ko 38/2003 Lege Orokorraren 37. artikuluan aurreikusitako kasuren batean egonez gero, Lanbide Heziketako Sailburuordetzako Plangintza eta Antolaketa Zuzendaritzako titularrak, ez-betetze espedientea (non interesdunari entzunaldia emango zaion) egin ondoren, ebazpen baten bidez adieraziko du onuradunak dirulaguntza jasotzeko eskubidea osorik edo partez galdu duela eta jasotako zenbatekoak osorik edo partez itzuli behar dizkiola, berandutze-interesekin batera, Euskal Autonomia Erkidegoko Diruzaintza Nagusiari, atzemandako ez-betetzearen mailaren proportzioan; betiere, azaroaren 11ko 1/1997 Legegintzako Dekretuan eta abenduaren 17ko 698/1991 Dekretuan ezarritakoari jarraituz eta, itzulketa partziala izanez gero, 38/2003 Legearen 37. artikuluan ezarritakoari jarraituz (1/1997 Legegintzako Dekretuaren bidez, Euskadiko Ogasun Nagusiaren Antolarauei buruzko Legearen testu bategina onartu zen). Aipatutako zenbatekoak diru-sarrera publikotzat joko dira legeko ondorioetarako.

18. artikulua.– Ebazpena aldatzea.

Dirulaguntza emateko kontuan hartutako baldintzetan aldaketarik gertatuz gero, emandako dirulaguntza aldatu ahal izango da, betiere deialdi honetan dirulaguntzen onuradun izateko ezarritako

gutxieneko eskakizunei eutsiz. Baldintzen aldaketa horren ondorioz dirulaguntza osoa edo zati bat itzuli behar bada, hasiera emango zaio itzultzeko prozedurari. Horretarako, Lanbide Heziketako Sailburuordetzako Plangintza eta Antolaketa Zuzendaritzak aldaketa-ebazpena emango du eta, han, eman diren dirulaguntzen zenbatekoak doituko dira.

19. artikulua.– Beste dirulaguntza edo laguntza batzuk batera jaso ezina.

Agindu honetan deitutako dirulaguntzak bateraezinak dira xede bera duten erakunde publikoen edo pribatuen dirulaguntzekin.

20. artikulua.– Erakunde onuradunen betebeharrak.

1.– Erakunde onuradunek laguntzaren xede diren jarduerak egin beharra dute.

2.– Halaber, honako betebeharrak izango dituzte:

a) Emandako dirulaguntza onartzea. Onartutzat joko da esleitzeko erabakia jakinarazi eta hurrengo hamar egun naturaleko epean berriaz eta idatziz dirulaguntzari uko egiten ez badiote.

b) Agindu honen esparruan diruz lagundutako gastuak dituzten pertsonen jarduera finantza-tuak kontratatzea edo eskusibotasunez esleitzea, gehienez ere dirulaguntza onartzen denetik edo eskabidean kontratatzeke/esleitzeko aurreikusitako dataren ondorengo 15 egun naturaletan.

c) Dirulaguntzaren xede den jarduera garatuko duten pertsonak kontratatu edo eskusibotasunez esleitu ondoren, horien nortasunaren berri ematea Lanbide Heziketako Sailburuordetzari.

d) Emandako dirulaguntza justifikatzea 15. artikuluan jasotakoaren arabera.

e) Dirulaguntza zein xedetarako eman den, hartarako erabiltzea.

f) Beste edozein administrazio, erakunde publiko edo pribaturengandik agindu honetako helburu bererako dirulaguntza, laguntza, diru-sarrera edo baliabiderik eskuratuz gero, horren berri ematea Lanbide Heziketako Sailburuordetzari.

g) Laguntza ematerakoan kontuan izandako inguruabarren bat aldatzen bada, horren berri eman beharko diote Lanbide Heziketako Sailburuordetzari.

h) Jasotako dirulaguntzen berri emateko neurriak hartzea. Neurri horiek diruz lagundutako jardueren garapenean erabilitako euskarrietan honako adierazpen hau jasotzera mugatuko dira: «Eusko Jaurlaritzako Hezkuntza Sailaren Lanbide Heziketako Sailburuordetzak 2023ko deialdian finantzatutako jarduera».

i) Azaroaren 11ko 1/1997 Legegintzako Dekretuaren bidez onartutako Euskadiko Ogasun Nagusiaren Antolarauei buruzko Legearen testu bateginaren 50.2 artikuluko gainerako betebeharrak guztiak betetzea; zehazki, Kontrol Ekonomikoko Bulegoari eta Herri Kontuen Euskal Epaitegiari ematea haiek eskatzen duten edozein informazio, laguntzen xedea fiskalizatu ahal izan dezaten.

j) Dirulaguntzei buruzko azaroaren 17ko 38/2003 Lege Orokorraren 14. artikuluan ezarritako baldintzak bete beharko dituzte.

21. artikulua.– Jarraipena.

Lanbide Heziketako Sailburuordetzako Plangintza eta Antolaketa Zuzendaritzak egingo du diruz lagundutako jardueren jarraipena, zuzen betetzen dela bermatzeko.

22. artikulua.– Datuen babesari buruzko oinarrizko informazioa.

Datu pertsonalak tratatu egingo dira, eta tratamendu-jarduera honetan sartuko: Lanbide Hezike-tarekin lotutako laguntzak eta dirulaguntzak.

Arduraduna: Lanbide Heziketako Sailburuordetzako Plangintza eta Antolaketa Zuzendaritza, Hezkuntza Saila.

Xedea: Laguntza ekonomikoen eskaerak izapidetzea, parte-hartzaileak eta/edo interesdunak identifikatuta. Entitate laguntzaileentzako dirulaguntzak.

Legitimazioa:

– Tratamendua beharrezkoa da interes publikoaren izenean edo tratamenduaren arduradunari esleitutako botere publikoak egikaritzean egin behar den eginkizun bat betetzeko.

– 38/2003 Lege Orokorra, azaroaren 17koa, Dirulaguntzei buruzkoa.

Hartzaileak:

– Autonomia Erkidegoko beste organo batzuk.

– Ekonomia eta Ogasun Saila.

Eskubideak: Onuradunek eskubidea dute datuak irispidean izateko, datuak zuzentzeko eta eze-rezteko, bai eta informazio gehigarrian adierazitako beste eskubide batzuk ere.

Informazio gehigarria: Gure web-orrian kontsulta daiteke datuen babesari buruzko informazio gehigarri eta zehatza: <https://www.euskadi.eus/informazio-klausulak/web01-sedepd/eu/gardenta-suna/047400-capa2-eu.shtml>

Araudia:

– Datuak Babesteko Erregelamendu Orokorra.

3/2018 Lege Organikoa, abenduaren 5koa, Datu Pertsonalak Babestekoa eta Eskubide Digi-talak Bermatzekoa.

XEDAPEN GEHIGARRIA

Agindu honetan deitutako laguntzek EBko Funtzionamendurako Tratatuaren 107. 1 artikuluan ezarritako eskakizun guztiak betetzen ez dituztenez, ez dira estatuaren laguntzat hartzen; beraz, ez zaio Europako Batzordeari jakinarazpenik egin behar.

AZKEN XEDAPENETAKO LEHENENGOA

Agindu honek Euskal Herriko Agintaritzaren Aldizkarian argitaratu eta hurrengo egunetik aurrera izango ditu ondorioak.

AZKEN XEDAPENETAKO BIGARRENA

Agindu honek amaiera ematen dio administrazio-bideari, eta, beronen aurka, aukerako berraz-tertzeko errekurtsioa aurkez dakioke Hezkuntzako sailburuari, hilabeteko epean, agindua Euskal Herriko Agintaritzaren Aldizkarian argitaratu eta hurrengo egunetik aurrera; bestela, administra-zioarekiko auzi-errekurtsioa aurkez daiteke Euskal Autonomia Erkidegoko Auzitegi Nagusian, bi

2023ko urtarrilaren 11, asteazkena

hilabeteko epean, agindua Euskal Herriko Agintaritzaren Aldizkarian argitaratu eta hurrengo egu-
netik aurrera.

Vitoria-Gasteiz, 2022ko abenduaren 27a.

Hezkuntzako sailburua,
JOKIN BILDARRATZ SORRON.

I. ERANSKINA ESKABIDE ELEKTRONIKOAREN EREDUA

Datu pertsonalak

Titularra

Identifikazio-dokumentua: Zenbakia:
Erakundearen izena:

Ordezkaria

Izen-abizenak:
Identifikazio-dokumentua: Zenbakia:
Erakundearen barruko kargua:
Helbide elektronikoa:
Telefono-zenbakia:

Erakunde eskatzailearen datu fiskalak dituen probintzia / lurraldea

Lurraldea / Probintzia:

Jakinarazpen eta komunikazioetarako kanala

- Bide elektronikoa: Nire karpeta ataleko jakinarazpen eta komunikazioen ontzira bidaliko dira. Sartzeko, identifikazio-modu elektroniko bat behar da.

Abisuak jasotzeko datuak

Posta elektronikoa edo SMS bidezko aurretiazko abisuen sistema erabili nahi duzu?

Abisu-kanala Telefono-zenbakia / Posta elektronikoa

Jakinarazpen, komunikazio eta abisuetarako hizkuntza

Euskara Gaztelania

Eskatutako kopurua

Dirulaguntzaren xede diren pertsonak, guztira:	Eskatutako zenbatekoa
1. pertsona	
2. pertsona	
3. pertsona	
Eskatutako zenbatekoa, guztira	

* Erakunde eskatzaile bakoitzak gehienez ere hiru pertsonentzako laguntza eskatu ahal izango du. Pertsona bat baino gehiagorentzako laguntza eskatuz gero, bakoitzak Lurralde Historiko desberdinean garatu beharko du bere jarduera.

Erantzukizunpeko adierazpenak

Adierazten dut erakunde eskatzaileak:

*Bateragarritasun-adierazpenak

- Ez da xede eta helburu bererako laguntza edo dirulaguntzarik jasotzen ari administrazio publiko eta erakunde pribatuetatik.
- Ez du zehapenik jaso, ez penalik ez administratiborik, laguntza edo dirulaguntza publikoak jasotzea galarazten dionik.
- Ez du dirulaguntza edo laguntza publikoak jasotzeko ezgaitzen duen legeko debekurik, espresuki aipatuta

sexu-diskriminazioagatik gertatutakoak.

- Ordainduta dauzka dirulaguntzak itzultzeko betebeharrak.
- Dirulaguntzei buruzko azaroaren 17ko 38/2003 Lege Orokorraren 13. artikuluko 2. eta 3. apartatueta zehaztutako egoeretako batean ez dago.
- Ez dago Emakumeen eta Gizonen berdintasunerako Legearen bigarren aldaketa egitekoa onartu duen martxoaren 3ko 1/2022 Lege laugarren azken xedapenean ezarritako inguruabarretan.
- Indarrean dauden arauetan ezarritako betekizunak betetzen ditu.
- Eskabide honetan eta honi gehitutako dokumentuetan adierazitako datu guztiak egiazkoak dira.

Era berean, adierazten dut badudala baldintza horiek betetzen ditudala egiaztatzen duen dokumentazioa, Administrazioaren esku jarriko dudala eskatzen zaidanean, eta hitz ematen dudala aurreko betebeharrak betetzen jarraituko dudala aitortzen edo jardun horri dagokion denboran.

Erantzukizunpeko adierazpenek eta komunikazioek aukera emango dute aurkezten diren egunetik aurrera eskubide bat aitortzeko edo baliatzeko edo jarduera bat hasteko, hargatik eragotzi gabe administrazio publikoek esleituak dituzten egiaztapen-, kontrol- eta ikuskapen-ahalmenak. (Administrazio Publikoen Administrazio Prozedura Erkidearen urriaren 1eko 39/2015 Legearen 69.3 artikulua).

Erantzukizunpeko adierazpen batean edo komunikazio batean jasotzen den datu edo informazioaren bat zehaztasunik gabea edo faltsua bada edo aurkeztu ez bada, edo administrazio eskudunari ez bazaio aurkezten erantzukizunpeko adierazpena, edo deklaratzeko dena betetzen dela egiaztatzeko eskatzen den dokumentazioa, edo komunikazioa, ezinezkoa izango da dena delako eskubidea baliatzen edo jardueran aritzen jarraitzea, egitate horren berri izaten den unetik bertatik aurrera, hargatik eragotzi gabe izan litezkeen erantzukizun penal, zibil edo administratiboak. (Administrazio Publikoen Administrazio Prozedura Erkidearen urriaren 1eko 39/2015 Legearen 69.4 artikulua).

Aurkeztutako agiriak

Dokumentu mota	Izena

Instrukzio-organoak ofizios egiaztatzeakoak

Aplikatzekoa den araudiaren arabera, prozedura hau bideratzen duen organoak ofizios egiaztatuko ditu, dagokion administrazioan, honako datu hauek:

Zerga-betebeharrak egunean izatearen datuak (EAEko foru-aldundiak edo Estatuko Zerga Agentzia).

Gizarte Segurantzaren Diruzaintza Nagusiarekiko (GSDN) betebeharrak egunean izatearen datuak.

- AURKA EGITEN DIOT prozedura honen instrukzio-organoak ofizios egiaztapenak egiteari (39/2015 Legearen 28. art.).

Oharra: onartu ezean, prozeduran eskatutako agiri guztiak aurkeztu beharko dira.

(tokia)
(Titularren izenpe elektronikoa)

(data)

2023ko urtarrilaren 11, asteazkena

II. ERANSKINA

ESKATUTAKO ZENBATEKOAREN ZEHAZTASUNA

ERAKUNDE ESKATZAILEA

ESKATUTAKO GUZTIZKO ZENBATEKOAREN LABURPENA

	Finantzatekoak diren jarduerak garatuko diren Lurralde Historikoa	Kontratzeko/esklusibotasunez esleitzeko aurreikusitako data	Dirulaguntzaren xede diren jarduerak amaitzeko aurreikusitako data	Kontratatutako/esleitutako pertsona bakoitzarentzat eskatutako guztizko zenbatekoa (langile-gastuak + jatorduak eta bidaiak)
1. pertsona				
2. pertsona				
3. pertsona				
ESKATUTAKO ZENBATEKOA, GUZTIRA				

LANGILEEN GASTUETARAKO ESKATUTAKO ZENBATEKOAREN ZEHAZTASUNA

1. pertsona

Nominako hilabetea	Ordainsarien zenbatekoa (1)	Kontratazailearen kargurako gizarte kargen zenbatekoa (2)	Eskatutako zenbatekoa, guztira (1+2)
ESKATUTAKO DIRULAGUNTZA, GUZTIRA			

2. pertsona

Nominako hilabetea	Ordainsarien zenbatekoa (1)	Kontratazailearen kargurako gizarte kargen zenbatekoa (2)	Eskatutako zenbatekoa, guztira (1+2)
ESKATUTAKO DIRULAGUNTZA, GUZTIRA			

3. pertsona

Nominako hilabetea	Ordainsarien zenbatekoa (1)	Kontratazailearen kargurako gizarte kargen zenbatekoa (2)	Eskatutako zenbatekoa, guztira (1+2)
ESKATUTAKO DIRULAGUNTZA, GUZTIRA			

JATORDU ETA BIDAIEN GASTUETARAKO ESKATUTAKO ZENBATEKOAREN ZEHAZTASUNA

	Jatordu eta bidaien gastuetarako eskatutako zenbatekoa guztira
1. pertsona	
2. pertsona	
3. pertsona	

2023ko urtarrilaren 11, asteazkena

III. ERANSKINA JUSTIFIKAZIO-TXOSTEN EKONOMIKOA

ERAKUNDE ONURADUNA:

JUSTIFIKATUTAKO GUZTIZKO ZENBATEKOAREN LABURPENA

	Dirulaguntzaren babesean kontratatutako / esklusibotasunez esleitutako pertsonaren izen-abizenak	Nortasun-agiriaren zenbakia	Finantzat zekoak diren jarduerak garatu diren Lurralde Historikoa	Kontratatzeko / esklusibotasunez esleitzeko data	Dirulaguntzaren xede diren jarduerak amaitzeko data	Langileen gastuen justifikatutako zenbatekoa, guztira (1)	Jatordu eta bidaien justifikatutako zenbatekoa, guztira (2)	Justifikatutako zenbatekoa, guztira (1+2)
1. pertsona								
2. pertsona								
3. pertsona								
JUSTIFIKATUTAKO ZENBATEKOA, GUZTIRA								

LANGILE-GASTUEN JUSTIFIKATUTAKO ZENBATEKOAREN ZEHAZTASUNA

1. pertsona

Nominako hilabetea	Nomina noiz ordaindu den	Ordainsarien zenbatekoa (1)	Kontratzailearen kargurako gizarte kargen zenbatekoa (2)	Justifikatutako zenbatekoa, guztira (1+2)
JUSTIFIKATUTAKO, GUZTIRA				

2. pertsona

Nominako hilabetea	Nomina noiz ordaindu den	Ordainsarien zenbatekoa (1)	Kontratzailearen kargurako gizarte kargen zenbatekoa (2)	Justifikatutako zenbatekoa, guztira (1+2)
JUSTIFIKATUTAKO, GUZTIRA				

3. pertsona

Nominako hilabetea	Nomina noiz ordaindu den	Ordainsarien zenbatekoa (1)	Kontratzailearen kargurako gizarte kargen zenbatekoa (2)	Justifikatutako zenbatekoa, guztira (1+2)
JUSTIFIKATUTAKO, GUZTIRA				

JATORDU ETA BIDAIEN GASTUETAN JUSTIFIKATUTAKO ZENBATEKOAREN ZEHAZTASUNA

1. pertsona

Joan-etorriaren data	Joan-etorriaren abiapuntua	Joan-etorriaren tokia	Bidaiaren xedea	Gastuaren kontzeptua (1)	Km (2)	euro/Km (3)	Justifikatutako zenbatekoa, guztira
JUSTIFIKATUTAKO, GUZTIRA							

2023ko urtarrilaren 11, asteazkena

2. pertsona

Joan-etorriaren data	Joan-etorriaren abiapuntua	Joan-etorriaren tokia	Bidaiaren xedea	Gastuaren kontzeptua (1)	Km (2)	euro/Km (3)	Justifikatutako zenbatekoa, guztira
JUSTIFIKATUTAKOA, GUZTIRA							

3. pertsona

Joan-etorriaren data	Joan-etorriaren abiapuntua	Joan-etorriaren tokia	Bidaiaren xedea	Gastuaren kontzeptua (1)	Km (2)	euro/Km (3)	Justifikatutako zenbatekoa, guztira
JUSTIFIKATUTAKOA, GUZTIRA							

*(1) Gastuaren kontzeptu hauetako bat adierazi beharko da: bazkaria / afaria / txartela / kilometroak / aparkatzea / autobidea.

*(2) Egindako kilometroak zenbat izan diren jakinaraziko da, soilik norbere garraiobidea erabili bada.

*(3) Kilometroko zenbatekoa jakinaraziko da, soilik norbere garraiobidea erabili bada. Kilometroko zenbatekoa erakunde eskatzaile bakoitzaren hitzarmen kolektiboan hitzartutakoa izango da edo, horrelakorik ezean, zero euro eta hogeita bederatzi zentimo (0,29) egindako kilometro bakoitzeko. Horrelakoetan guztira justifikatutako zenbatekoa, egindako kilometro kopurua bider kilometroko prezioa izango da.

Justifikatutako zenbatekoaren azken laburpena		
Eskatutako dirulaguntza (eurotan)	Deialdi honetan adjudikatutako kopurua (eurotan)	Justifikatutako gastuak (eurotan)

Agiri bidezko justifikazioa

- Lan-kontratuaren benetako kopia, edo dagokionean, dirulaguntzaren xede diren jarduerak garatzeko esleitutako pertsonaren jardun eskusiboaren ziurtagiria.
- Dirulaguntzaren aldiari dagozkion nominen benetako kopia, eta horiek ordaindu direla egiaztatzen duten agiriak.
- Dirulaguntzak estalitako aldiari kontratatzailearen kargura gizarte segurantzaren egindako gastuak egiaztatzeko kotizazio-agiriak.
- Fakturak, dagozkien ordainagiriekin eta gainerako gastuen ziurtagiriak, legez onartuak, egindako gastuak ziurtatzen dituztenak eta emandako dirulaguntzari egotz dakizkiokeenak.
- Dagokionean, erakunde eskatzaileak jatorduak eta bidaiak konpentsatzeko ezarritako akordioaren kopia.

Erantzukizunpeko adierazpena

Adierazten dut memoria honetan eta gehitutako agirietan jasotako datu guztiak egiazkoak direla.